

大明三藏法數卷第四

昆六

上天竺前往持沙門如等奉 勅集註

二護出經

一內護

內即自己身心也謂佛所

制大小乘戒人若受持則能防護身口意業之非成就種智菩提之果此禁戒所以

為內護也

二外護

外即族親眷屬也謂人

之脩行須屏絕緣務凡有所需衣服飲食湯藥之類必藉族親眷屬左右供給庶得身心安隱成辦道業此族親眷屬所以為外護也

永樂北藏

大明三藏法數

二種有出毘婆沙論

一實物有

謂五蘊等法成身

即是實有之物故名實物有五蘊者色聲受蘊想識行

蘊也

二施設有

謂世間之人各各隨業受

報因假父母遺體便即施設而有男女之名故名施設有

二種病出經

一身病

謂身因四大毒蛇互不

調適以致諸病所生故名身病

四大者地水火大

大風大也以此四者遍滿世界故名為大人攬外之四大而成內四大之身堅濕煖動之性在內交攻不相和順毒害如蛇故曰四大毒蛇

二心病

謂心

第一八一册

躍怯懦無勇而生恐怖及憂愁苦惱愚癡昏昧由此四者撓動于中以致諸病所生故名心病

二種病出大智度論

一先世行業病

謂因先世好

行鞭杖拷掠閉繫種種惡法惱害眾生故

感今世多病是名先世行業病

一現世失

調病

謂因冷熱風雨不知將養其身及飲食不節卧起無常以是事故得種種病是

名現世失調病

二種死出涅槃經

一命盡死

謂天命當盡捨所受

身故名命盡死然或有命盡非是福盡或有福盡非是命盡或有福命俱盡皆為命

盡死也福謂財物等

一外緣死

謂不順天命以

喪其身故名外緣死如非分自害或橫遭

他人所害或二人怒氣相加自他俱死皆

為外緣死也

二種布施出大智度論

一淨施

謂布施時不求世

間名譽福利等報但為出世善根及資助

涅槃之因以清淨心而行布施故名淨施

梵語涅槃華言滅度

一不淨施

謂以妄心求於福報

而行布施如般若經云或畏失財故施與
或恐訶罵故施與或為求勢故施與如是
種種因緣與淨相違是名不淨施

二種法施出般若經**世間法施**謂菩薩雖為諸

有情宣說開示五神通等一切諸法然未

能出離世間故名世間法施五神通者一

知人心命三四眼千里四**出世間法施**足不履地二

呼名即至五石壁無碍也謂菩薩為諸有情宣說開示三解脱門等

一切聖法依此而脩即得出離世間故名

出世間法施三解脱門者一空解脱門二無

二種身行施出大智度論**一生身行施**謂菩薩以

父母所生之身能以一切實物及以身命
布施心不恡惜是名生身行施**二法身行**

施謂菩薩捨生身已得法身時能於十方
世界以種種珍寶衣服飲食給施一切眾

生又能一時之頃隨眾生音聲普為說法

是名法身行施

二種施出法界次第**財施**財施者謂以飲食衣

服田宅珍寶等一切自己所有資身之具
悉能施與它人也金光明寂勝王經云財

施之福不出三界唯伏貪愛但濟一世之貧而不能令其得道譬如燈光止明一室

是也三界者欲界色界無色界也

二法施

法施者謂從

諸佛及善知識或從經卷聞說世間出世間善法以清淨心為人演說也金光明寂

勝王經云法施兼利自他能令衆生出於

三界斷諸煩惱成就慧身譬如日光徧照

大千世界是也

世間法者即五戒十善及治世之法也出世間法者

即三乘所備四諦六度等法也

二戒

出華嚴孔目

一性戒

謂殺盜邪淫妄語此四

性自是戒不待佛制人若持之即得福犯

之即得罪是名性戒

二遮戒

遮即遮止謂

飲酒多有過失能犯諸戒是故佛特遮止令不毀犯乃能守護餘之律儀是名遮戒

二戒

出毘婆沙論

一道共戒

謂於見道脩道位中

不作意持自然不犯戒與道俱發是名道

共戒此戒既是初果二果三果所得即是

無漏戒也

見道即初果脩道即二果三果也無漏者不漏落三界生死也

二定共戒

謂發得初禪二禪三禪四禪天

定之時不作意持自然不犯戒與定俱發

是名定共戒此戒斷惑未盡未出生死即是有漏戒也

二戒出華嚴經疏

一隨相戒

隨即隨順相即形相

謂依如來教染衣出家乞食自活不犯威儀是名隨相戒

二離相戒

離即遠離謂持

戒之人心無所著則一切戒猶如虛空了

無持犯之相是名離相戒

二戒出涅槃經

一性重戒

謂殺盜婬妄皆性業也

不待佛制持而不犯性自是善犯而下持性自是罪若犯之者其罪極重是名性重

二息世譏嫌戒

謂佛所制出家之人凡

世間治生產業及一切非道所宜之事皆不應為以止世人之所譏誚嫌疑是名息世譏嫌戒

二戒出涅槃經

一威儀戒

威儀戒者謂受戒已惟

務脩飾容止誑惑於世蓋由好求名利欲

人恭敬者也

二從戒戒

從戒戒者謂頓從

佛制清淨三業蓋其內外相稱不為世事

但求真實利益不要虛譽者也三業者身業口業意業也

出家二戒出天台四教儀集註

十戒

謂一不殺二不

盜三不媠四不妄語五不飲酒六不坐高

廣大牀七不著花鬘衣八不觀聽歌舞九

手不捉金銀財寶十不過中食此十戒是

初出家沙彌所持是為出家十戒梵語沙彌華言

息慈息世染之情慈濟羣生也**二具足戒**具足戒者即二

百五十戒也凡六謂波羅夷法五凡四條梵語波羅夷華

言極惡僧伽婆尸沙法凡一十三條伽婆尸

沙華言僧殘謂犯此戒如人被他不定法

研殘命雖未盡形已殘廢故也

凡二條謂比丘犯非法語或以波羅夷法治

逸提法治之或以僧伽婆尸法治之或以波

故名不定也

尼薩耆波逸提法凡三十條

梵語尼薩耆華言捨謂因財物等犯貪慢

心令捨入僧眾故梵語波逸提華言墮謂

不捨當墮地獄也

波逸提法凡九十條波羅提提

舍尼法凡四條梵語波羅提提舍尼華言

對眾發露故眾學戒法凡一百條此等戒

名向彼悔故

名眾皆學故滅諍法凡七條謂有諍事起

名眾學也

名滅此二百五十戒是出家比丘所持是

諍法

名出家具足戒梵語比丘

在家二戒沙出毘婆**三戒**謂不殺生不偷盜

不邪媠不妄語不飲酒此五戒是在家之

人所持故名在家五戒**四戒**謂五戒之

後更加不坐高廣大床不著花鬘瓔珞不習歌舞戲樂此八戒亦是在家之人所持故名在家八戒

邪正二戒

出天台四教儀集註

一邪戒

謂外道之人執

邪為道非因計因自計前世因從鷄中來

便即獨立行於苦行或計因從狗中來便

即噉食糞穢行於苦行是名邪戒

二正戒

謂佛未出世時輪王亦教人行於不殺不

盜等十善即此十善戒法是名正戒

殺生不偷盜不邪婬不妄語不兩舌不惡口不綺語不貪欲不瞋恚不邪見也

二持

出華嚴經疏

一止持

止即制止謂止身口令

不殺不盜不邪婬不妄語等是名止持

作持

作猶行也謂既不殺生又能放生既不偷盜又能布施既不邪婬又能恭敬既不妄語又能實語是名作持

不妄語又能實語是名作持

二種精進

出法界次第

一身精進

謂身勤脩善法

晝夜行道禮誦講說勸助開化是名身精

進

二心精進

謂

心勤行善道心心相續無有間歇是名心

精進

二種精進心出法華懺儀謂行人熏脩懺法即當

剋取限期破諸惑障如脩法華三昧以三

七日為期於中禮佛懺悔行道誦經有事

有理俱當精進故有二種心也梵語三昧華言正定

三十七日也一事中脩忍精進謂行人於

道場三七日中行儀純備當禮佛時一心

虔懺觀想金容端嚴殊妙儼然在目心不

異緣乃至懺悔行道誦經坐禪悉皆一心

令與行法相應無有懈怠是名事中脩一

心精進二理中脩一心精進謂行人初入

道場乃至三七日滿於其中間所作行儀

常當照了一心寂靜如禮佛時即知能禮

所禮本性空寂雖曰空寂而自然感應道

交不可思議盖由理體平等生佛不二雖

無能禮之人而有我身禮諸佛前雖無所

禮之佛而有諸佛隨心顯現如是念念無

有懈怠是名理中脩一心精進生佛者衆生諸佛也

二種忍辱出大智度論**非衆生數忍辱**謂菩薩

若遇風寒冷熱水雨等無情之物惱害之

時安然忍受初不瞋恚是名非衆生數忍

辱二衆生數忍辱謂菩薩若遇有情衆生

加惡於我亦能忍受略不瞋恨是名衆生數忍辱

二種分別真偽禪相出脩習止觀坐禪法要

一辨邪偽

禪發相謂脩禪之人於禪定中或覺自身

如縛如壓或時身輕欲飛或歡喜躁動憂

愁悲思如是種種邪偽之相與禪俱發心

若愛著即與鬼法相應多失心顛狂是故

脩禪定者於此諸相即當一心寂靜辨其

邪偽知彼虛誑不受不著則自然滅謝是

為辨邪偽禪發相二辨真正禪發相謂脩

禪之人於禪定中端心正念離諸昏散但

覺身心安隱泯然虛豁空明清淨寂靜無

為而與正定相應如前所說一切邪偽之

相了無所見是為辨真正禪發相

二種寂靜出釋氏要覽

一身寂靜謂捨家恩愛及

衆緣務閑居靜處遠離憤鬧身諸惡行一

切不作是名身寂靜二心寂靜謂於貪瞋

癡等悉皆遠離脩習禪定無有散亂意諸

惡行一切不作是名心寂靜

二種出大智度論 **一可得願** 謂脩福可得人天

中生備戒定慧可得阿羅漢乃至佛果是

名可得願梵語阿羅漢華言無學 **二不可得願** 謂人

以已智力而欲籌量虛空盡其邊際終不

可得是名不可得願

二種脩行出涅槃經 **一真實脩行** 謂依佛所說能

知涅槃佛性等相而脩諸行是名真實脩

行梵語涅槃華言滅度 **二不實脩行** 謂不知涅槃佛

性等相而脩諸行是名不實脩行

二因緣發起正見出大智度論 **一外聞正法** 謂眾

生雖具正念必從智人聞說正法然後正

見始得開發譬如穀麥內具種子外滋雨

澤然後其芽始得生起是故若欲正見開

明必須外聞正法 **一內有正念** 謂眾生雖

聞正法發起正見實由內心正念本具譬

如洪鍾雖待人扣聲非外有是故若欲正

見開發必須內有正念

二種心出地持經 **一安隱心** 謂菩薩為諸眾生造

諸惑業而受生死逼迫之苦沉溺惡道即

為種種開示除不善法置之善處令彼之

心各獲安隱也 **二快樂心** 謂菩薩為諸眾

生貧乏困苦無所依怙即起大慈之心利

濟攝受平等饒益令彼之心各得快樂也

意業有二種心 出大乘理趣 意業者意根所

起之業也謂脩行之人於布施持戒忍辱

見六 九

禪定智慧等五度非精進力不能成就身

口意三善業亦由精進力方得發生然三

業之中意業最勝故有二種心也 **精進**

心 謂發菩提心脩習善業晝夜禪誦不令

放捨遠離一切懈怠心也 **二退轉心** 謂於

諸善法不能進脩或暫時發心脩行輒生

退屈則不能到於涅槃彼岸也

二種懺悔 出補助儀并天台四教儀 梵語懺摩華言悔過

華梵兼舉故名懺悔又懺名脩來悔名改

往謂脩未來之善果改已往之惡因也 **一**

事懺悔

事即事儀謂身則禮拜瞻敬口則

稱唱讚誦意則存想聖容三業殷勤求哀

懺悔過去見在所作罪業一依事儀是名

事懺悔 **二理懺悔** 理即理性謂過現所作

一切罪業皆從心起若了自心本性空寂

則一切罪相亦皆空寂是名理懺悔

二種白法出華嚴經隨疏演義鈔白法者白淨之法也

地獄等法名為黑法人天等法名為白法

光明文句云白法須尚黑法須捨是也

慚白法謂內自羞慙不敢作惡脩習善法

止息惡行是名慚白法

愧白法謂內自惶愧發露罪瑕更不敢作脩習善法止息

惡行是名愧白法

二種勸請出大智度論**佛初成道勸請轉法輪**

謂佛初成道時菩薩勸請言我某甲請佛

世尊為衆生轉法輪度脫一切是名勸請

轉法輪某甲者稱自己名也**佛欲入滅勸請住世**

謂佛欲捨壽命入涅槃時菩薩勸請言我

某甲請佛世尊久住世間無央數劫度脫

一切衆生是名勸請住世劫梵語具云劫波

二種資糧出寶積經資即資助糧即糧食如人欲

涉遠道必假糧食以為資助蓋辟菩薩脩

行欲證佛果必藉福智二法以為資助故

名資糧也**福德資糧**謂布施持戒等所

作善因乃至具足脩習一切佛法是名福

德資糧 **智德資糧** 謂脩習正觀心無雜

亂勤求妙智無暫休息乃至具足脩習一

切佛法是名智德資糧

二種供養 出普賢行願品 **財供養** 經云所有十方

一切佛刹極微塵數中一一各有一切世

界極微塵數佛一一佛所各有菩薩海會

圍繞我以普賢行願力故悉以上妙諸供

養具而為供養所謂華鬘音樂傘蓋衣

服及燒種種香然種種燈一一如須彌山

以如是等諸供養具常為供養是名財供

養 梵語須彌華言妙高 **二法供養** 經云諸供養中法

供養寂所謂如說脩行供養利益眾生供

養攝受眾生供養代眾生苦供養勤脩善

根供養不捨菩薩業供養不離菩提心供

養以前財供養無量功德比今供養一念

功德百分不及一是名法供養 攝利益眾生

名法供養者必因說法方能利益攝受即

是以法供養如來也代眾生苦名法供養

者因發大慈之心方能代眾生苦亦是法

法供養如來也勤備善根即是勤修善法

也菩薩業者即善 薩所脩之法也

二善 出大智度論 **一未生善** 謂戒定慧等諸善之

法未曾脩習是名未生善善若未生當勤
脩習令其得生也 **二已生善** 謂戒定慧等

諸善之法已曾脩習名已生善善若已生
當勤脩習令其增長也

二種福田 出大智度論 云施主有二種一者貧二

者富皆能於三寶中種福故名二種福田

三寶者佛寶法寶僧寶也 **一貧福田** 謂貧窮之人雖無

財物供養若能禮事恭敬亦得福報是名

貧福田 **二富福田** 謂富貴之人既能禮事

恭敬又以財物供養而得福報是名富福田

二種福田 佛出大方便經 田以生長為義謂人於

應供養者而供養之則能獲諸福報如農

服力田畝而有秋成之利故名福田 **一前**

作福田 謂於諸佛菩薩父母師長之所生

恭敬心脩諸供養不惟得福亦可成道若

有冀望福報之心乃是有為而作故名有

作福田 **二無作福田** 謂於諸佛菩薩父母

師長之所生恭敬心脩諸供養不惟得福

亦可成道若無冀望福報之心乃是無為

而作故名無作福田

二利出金剛般若經取**一自利**謂於如來所

說經典自能受持讀誦聽聞思惟如理脩

習成就勝果是名自利**二利他**謂能以已

所受之法展轉為人演說令其脩習斷惑

證果是名利他

二種闡提出楞伽經闡提梵語具云一闡提華言

信不具亦云極惡**一捨一切善根一闡提**

捨善根者楞伽經云謂謗菩薩藏及作惡

言不肯隨順經律之法是名捨一切善根

一闡提善薩藏者藏即含藏也謂諸大乘經

之法故名**二於無始衆生發願一闡提**謂

世間衆生窮劫有之無有初始故名無始

衆生菩薩發願度諸衆生以本願力現為

闡提故楞伽經云菩薩以本願方便不般

涅槃是名於無始衆生發願一闡提

二種見出大智度論此二種見即十使中之邊見

也外道之人於身見上計我斷常執常非

斷執斷非常隨執一邊故名邊見十使者

二邊見三邪見四見取五戒取**一常見**論

六貪七瞋八癡九慢十疑也云見五衆常即外道自謂色受想行識今

世雖滅未來復生相續不斷是名常見五
者即色受想行識五陰也
斷見論云見五眾滅即外道自謂色受想行識今世滅已更不再生是名斷見

鬼二生出俱舍釋論
鬼胎生論云女餓鬼白目

連云我夜生五子晝時亦生五子生已皆食盡如此我無飽此鬼即是胎生也
鬼化生謂不從胎卵等生但無而忽有變現不測此鬼即為化生也

二罪出圓覺經畧疏鈔
性罪性罪者即殺盜媾妄

四種重戒不待佛制性是惡故犯之則有罪報也
遮罪遮罪者即酒戒也謂佛制此酒戒意為遮止無犯守護餘戒使不故犯如有犯者則獲遮制之罪也

二吉羅出翻譯名義
 梵語具云突吉羅華言惡作

惡說**身惡作**謂身行殺盜邪媾等惡是名身惡作
口惡說謂口出妄言綺語兩舌惡口等是名口惡說

二惡出大智度論
已生惡謂貪瞋癡及殺盜媾等諸惡之法已起於心已見於事者是名

已生惡惡若已生速令除滅也 **二未生惡**
謂貪瞋癡及殺盜婬等諸惡之法於心未
起於事未見是名未生惡惡若未起防令
不主也

二種惡事出大智度論 **一衆生惡事** 謂諸衆生貪

欲瞋恚愚癡不依父母師長教誨造種種
惡是名衆生惡事 **二土地惡事** 謂土地之
中或有饑荒疾疫毒氣流行無處不有是
名土地惡事

二煩惱出瑜伽師地論 **一根本煩惱** 根本煩惱者即

無明惑也謂此根本無明之惑能出生一
切煩惱也 **二隨煩惱** 隨煩惱者即見思二
惑也謂此見思二惑隨於一切違順境上
起貪瞋癡等煩惱隨逐不捨也

二煩惱出大智度論 **一內著煩惱** 謂身見邊見等

諸煩惱於內心不了而起執著故名內著
煩惱身見者謂衆生妄執色受想行識之
五陰為自身也邊見者妄於身見中
或執為斷或執為常
各執一邊名邊見也 **二外著煩惱** 謂貪瞋
癡等煩惱於外境不了而起貪著故名外
著煩惱

二煩惱出華嚴經疏

一隨眠煩惱

依附不捨曰隨

五情暗冥曰眠謂無明煩惱種子潛伏第

八藏識之中能生一切妄惑是名隨眠煩

惱也五情者即眼耳鼻舌身五根也

二現行煩惱

謂六根

對六塵境現起貪瞋癡等煩惱是名現行

煩惱也六根者眼根耳根鼻根舌根身根意根也六塵者色塵聲塵香塵味

塵觸塵法塵也

二惑出釋

一理惑

謂根本無明之惑能障覆

中道之理不能顯發是名理惑

二事惑謂塵沙惑能障化導則覆俗諦之法見思惑

能阻空寂則覆真諦之法是名事惑

二惑出華嚴經疏演義鈔

一現行惑

謂六根對六塵

現起貪瞋癡等煩惱令心昏迷障諸善法

是名現行惑

六根者眼根耳根鼻根舌根身根意根也六塵者色塵聲塵香塵味塵觸塵法塵也

二種子惑

種子者即根本無

明也謂因此無明則能生一切煩惱障諸

善法是名種子惑

見思二惑出天台四教儀集注惑迷惑也謂諸衆生於

一切法不了自性本空妄生執著惑於正

道流轉生死故名惑也又名二縛由此惑

業纏縛住著三界不能脫離也又名二結

結即縛之義也三界者欲界色界無色界也**一見惑**分

別曰見謂意根對法塵非理籌度起諸邪

見如外道計斷計常乃至有無等見是名

見惑**一思惑**貪愛曰思謂眼耳鼻舌身五

根對於色聲香味觸五塵貪愛染著迷而

不覺是名思惑

客塵二義出楞嚴經**一客義**謂見思等惑皆由衆

生不了外塵之境種種妄想而生若以智

慧觀察惑體本空則法性理顯惑亦何有

經云不住名客是名客義**一塵義**謂微細

之惑而能染汙清淨真性譬如牖隙光流

諸塵相現亦能亂於虛空之性若智慧發

明了惑本無則空理現前塵亦何有經云

澄寂名空搖動名塵是名塵義

二障出國覺畧疏**一理障**謂本覺心源湛然清淨

由無明妄染礙正知見不達真如之理是

名理障**一事障**謂衆生由無明障覆生死

相續無由脫離是名事障

二障出楞嚴經義海井宗鏡錄**一煩惱障**謂昏煩之法惱

亂心神不能顯發妙明真性是名煩惱障

二所知障所知障亦名智障謂執所證之

法障蔽智慧之性是名所知障

二障出天親論障即障礙如金剛經中須菩提得

無諍三昧盖由離此二障故也梵語須菩提華言空生

一煩惱障煩惱即見思惑也謂須菩提證

得第四阿羅漢果時見思二惑俱已斷盡

心空寂靜諍從何起是故得於無諍實由

離此煩惱障也梵語阿羅漢華言無學

二三昧障梵語三昧華言正定即無諍三昧也謂須菩提

提證得第四果時既得無諍三昧若於此
三昧心有取著即為有諍是故得於無諍
實由離此三昧障也

二業出俱舍論**引業**謂若宿世善業引發生於

人中則得珍寶豐足多受快樂若由宿世

惡業引發生於人中則感貧窮困乏受諸

苦惱是名引業**一滿業**謂由宿世脩一善

業感一生中太富多財乘此更脩眾善展

轉生官貴家乃至圓滿究竟善果是名滿

業若由宿世造一惡業感一生貧窮苦惱乘

此更造眾惡展轉生貧窮家乃至圓滿極惡之果是名滿業

輕重二業出涅槃經云或有重業可得作輕或有輕業可得作重以人有智有愚故也

重業輕受重業輕受者謂有智之人以智

記六十七

慧力脩習梵行能令地獄重業現世輕受也

輕業重受輕業重受者謂愚癡之人

以愚癡故增其業力能令現世輕業地獄重受也

二礙亦名二障出宗鏡錄并演義鈔**煩惱礙**謂見思二惑

起種種昏煩之法惱亂心神以致障礙無漏法性是名煩惱礙

智礙即所知障謂由根本無明之惑覆蔽法性而於中道種智則成障礙故名智礙

東蘆二義出宗鏡錄**互相依**謂如東蘆互相依

倚以辟六根六塵更相由藉而成染惑也

以由根依塵故而發妄知塵依根故而有

幻相是名互相依六根者眼根耳根鼻根舌根身根意根也六塵者色塵聲塵香塵味塵觸塵法塵也

二取中空謂取蘆葦中本空虛自性不實以辟根塵中間各無自

性一切皆空是名取中空

二慳持出地**財慳**謂吝惜財物無憐愍心見

諸貧窮困乏不能惠施是名財慳**法慳**

謂慳惜佛法懷妬嫉心恐他勝己不肯教

導餘人是名法慳

二愛出大智**欲愛**謂眾生愛念妻子及貪

染五欲等是名欲愛五欲者以色聲香味

之心**法愛**謂菩薩以平等心而生法喜

欲令一切眾生皆至佛道是名法愛

二種邪見出中論**破世間樂邪見**謂人若言

無罪福報亦無如來等賢聖因起此邪見

捨善為惡當墮苦趣失人天樂是名破世

間樂邪見**破涅槃道邪見**梵語涅槃華

言滅度謂人貪著於我分別有無起善滅

惡因起善故得世間之樂因分別有無故

不得涅槃道是名破涅槃道邪見比六十八

二種妄見出楞嚴經**別業妄見**謂諸眾生迷失

真性自起妄見見有一切虛妄境界或苦

或樂若人不失本真即不見有虛妄境界

譬如一人病目夜見燈光別有圓影五色

重疊不病目者即不見燈別有圓影是名
別業妄見 **二同分妄見** 謂諸衆生迷失真
性同見一切虛妄境界同受苦樂同業所
感辟如一國之人同見瘡惡不祥之事是
名同分妄見

二種無知出天台四教儀集註 **一** 染汙無知 染汙無知
者即見思惑也以無明為體謂見思惑能
染汙真性無所明了也 **二** 不染汙無知 不
染汙無知者即塵沙惑也以劣慧為體謂
此惑是他人分上見思之惑種數多故如

永樂北藏

大明三藏法數

塵若沙名為塵沙既是他人之惑不能染
汙我之真性菩薩智慧廣大能令他人斷
見思惑於菩薩分上即是斷塵沙惑二乘
之人智慧狹劣不能令他斷見思惑是名
不染汙無知 二乘者聲聞乘緣覺乘也

二種顛倒出楞嚴經 **一** 衆生顛倒 謂衆生不明自
性逐妄迷真隨順妄惑而造妄業由此妄
業展轉相生輪轉三界不能返妄歸真故
名衆生顛倒 **二** 世界顛倒 世謂過去現在
未來遷流為世界謂東西南北四方分位

第一八一册

為界以世涉方故名世界顛倒者眾生迷
失真性念念遷流住妄境界起諸倒見故
名世界顛倒

二貧

出大智度論

一財貧

謂其先世不能布施不

作眾善之福是故現世乏於資生種種財

物是名財貧

二法貧

謂眾生起諸邪見不

信正法不脩善行則無功德之財資於智

慧之命是名法貧

二緣

出楞伽經

一外緣

謂眾生所依世界皆由妄

想因緣而生辟如因泥團柱輪繩水等諸

方便緣而有瓶生是名外緣

泥團柱輪繩水者謂世之

陶匠作瓶以泥團為坯以木為輪柱以繩轉輪以水旋之方能成瓶也

二內

緣謂眾生之身因無明愛業等緣出生陰

界入法是名內緣

無明者無所明了也愛者於五陰之境而起貪

愛以為惑也業者由心不了遂動身口而以為業也陰即五陰謂色陰受陰想陰

行陰識陰也界即十八界謂眼界色眼界眼識界耳界聲界耳識界鼻界香界鼻識界

舌界味界舌識界身界觸界身識界意界法界意識界也入即十二入謂眼入耳入

鼻入舌入身入意入色入聲入香入味入觸入法入也

二種有漏因果

出大毘婆沙經

一有漏因

漏即漏落

生死也因者對果而言謂眾生由煩惱結

業為因而招三界生死苦果是則煩惱結

業名有漏因即集諦也三界者欲界色界無色界也

有漏果果即果報之義謂衆生由有漏感

業為因而感生死之果名有漏果即苦諦

也

二殺出梵經**一故殺**故殺者謂作意故傷物命

也**一悞殺**悞殺者謂不作意悞傷物命也

二殺出梵經**一自殺**謂無慈悲之心於諸物命

輒自殺害是名自殺**二教他殺**謂無慈悲

之心既自殺生亦教他人殺生是名教他

殺

二報出華嚴經疏**一依報**依報亦名依果即世界

國土也謂諸衆生各各隨其果報之身依

之而住故名依報**二正報**正報亦名正果

即五陰之身也謂諸衆生隨其所作善惡

之業各各感得此身正受其報故名正報

五陰者色陰受陰想陰行陰識陰也

二種殺生報出法苑珠林**一短命**短命者謂因前

世傷害物命令其不得以盡天年故感今

生自身亦短命也**二多病**多病者謂因前

世惱害衆生令其不得自在故感今生自身亦多疾病也

二種偷盜報出法苑珠林

一貧窮貧窮者謂因前世盜他財物令彼空乏故感今生自亦貧窮也

劫奪他財而令他人不得自在故感今生雖有財物而屬五家不得自在受用也五家者水火盜賊惡子官家也

二種媼報出法苑珠林

一婦不貞潔婦不貞潔者謂因前世犯他妻妾邪行穢汙故感今生

婦不貞良端潔也

二得不順意眷屬得不順意眷屬者謂因前世邪媼奪人所寵令不如意故感今生眷屬常不順意也

二種妄語報出法苑珠林

一多被誹謗多被誹謗者謂因前世不務誠實妄語無信故感今生多被他人誹謗也

二為人所誑為人所誑者謂因前世專以妄語欺誑於人故感今生為人之所誑惑也

二種兩舌報出法苑珠林

謂向彼說此向此說彼闢構是非離間和合致令乖分故名兩舌

謂向彼說此向此說彼闢構是非離間和合致令乖分故名兩舌

一得弊惡眷屬得弊惡眷屬者謂因前

世兩舌使人朋儔分離乖間皆生怨惡故感今生得弊惡眷屬也**二得不和眷屬**得不和眷屬者謂因前世兩舌離間人之親愛使不和合故感今生得不和眷屬也

二種惡罵報出法苑珠林

一常聞惡音常聞惡音

者謂因前世口無禁忌發言麤惡令不忍聞故感今生常聞穢惡之音也**二恒有諍**

訟恒有諍訟者謂因前世恃力怙勢好諍健訟惡逆無德故感今生常致諍訟而不

和也

二種邪見報出法苑珠林

一生邪見家生邪見家

者謂因前世邪僻覆心起諸妄見故感今世不具正信之心而生邪見之家也**二其心誦曲**其心誦曲者謂因前世邪見心不正直故感今生心常誦曲也昆六廿二

二種無義語報出法苑珠林

一人不信受人不信

受者謂因前世語言無義即是虛妄故感

今生雖有言說人亦不信受也**二不能明**

了不能明了者謂因前世語言無義皆因

暗昧故感今生有所言說而亦不明了也

二種貪報出法苑珠林

一多欲多欲者謂因前世

縱恣貪欲心無止息故感今生業習不忘倍復增勝而生貪著也

二無厭

無厭者謂

因前世貪求不已展轉馳逐故感今生業習不忘欲心轉盛用之無度求之無厭也

二種瞋報出法苑珠林

一常為他人求其長短常

為他人求其長短者謂因前世不能容物稍不如意即與嗔恨故感今生被人伺求

長短動輒得咎也

二常為衆人之所惱害

常為衆人之所惱害者謂因前世瞋惱衆人令不安隱故感今生常被多人之所惱害也

世界二義出楞嚴經

一世遷流

世遷流者謂過

去現在未來三世遷流也只如昨日是過去今日是現在明日是未來如此遷移流動無有間歇也

二界方位

界方位者謂

東西南北東南西南東北西北上下十方各有定位不相混亂也

二世間出翻譯名義世即隔別之義間即間差之

義故名世間 **一眾生世間** 謂一切有情衆

生皆假五陰和合衆共而生名為衆生又

復各各差別不同故名衆生世間五陰者色陰受陰想

識陰行陰也 **二器世間** 謂一切無情世界皆假

山河大地而成有側有仰名之為器又復

各各差別不同故名器世間

二種世間清淨出無量壽經論云若人一心專念

阿彌陀佛畢竟得生安樂國土成就種種

功德莊嚴獲此二種世間清淨梵語阿彌陀華言無

量壽 **一器世間清淨** 謂世界如器隔別名世

間差名間故名器世間謂彼安養國土廣

大無邊如太虛空清淨光明如日月輪具

足珍寶莊嚴是名器世間清淨 **一眾生世**

間清淨 謂所化衆生隔別間差故名衆生

世間謂彼阿彌陀佛於一佛土身不動搖

於一切時放大光明悉能遍至十方世界

教化衆生令其如實脩行離諸染著皆願

往生我國是名衆生世間清淨

二土出宗鏡錄 **一性土** 謂法性之理非穢非淨非

廣非狹猶如虛空遍一切處是名性土

相土 謂隨諸衆生心量所現或淨或穢或

廣或狹是以菩薩所見無諸坑坎衆寶莊嚴衆生所見荆棘瓦礫穢惡充滿是名相土

二土 出華嚴經隨疏演義鈔 **淨土** 謂其地純以金剛

所成衆寶間錯種種莊嚴皆悉殊勝即華藏世界西方安養等世界也以其無有四

趣五濁等穢惡是名淨土 四趣者備羅趣地獄趣也五濁者劫濁見濁煩惱濁衆生濁命濁也 **穢** 謂其

地坑坎堆昇穢惡充滿即娑婆世界也以其有四趣五濁等穢惡是名穢土 梵語娑婆華言

能忍謂其土之人堪能忍受衆苦也

二種流 出涅槃經 **順流** 流即生死流也蓋六道衆生順從生死之流唯務趣下而不知返所謂

順生死流逆涅槃道也 六道者天道人道阿脩羅道餓鬼道畜生道地獄道也

逆流 謂初果須陀洹依戒定慧精勤脩習則能斷三界見惑出離四趣生死而證真空

涅槃所謂逆生死流順涅槃道也 梵語須陀洹華言逆流亦曰入流三界者欲界色界無色界也四趣者備羅趣餓鬼趣畜生趣地獄趣也

二身

識出唯論

分段身

分即分限段即形段謂

三界內六道衆生所受之身支形分段長

短巨細各各不同是名分段身

三界者欲界色界無

色界也六道者天道人道阿修羅道餓鬼道畜生道地獄道也

變易身

變即轉變變易即改易謂二乘等雖出三界

從六

廿五

尚受方便等土法性之身因移果易是名

變易身

二乘者聲聞乘緣覺乘也

二種色

鏡出宗錄

內色

內色者謂眼識乃至意

識是名內色又眼耳鼻舌身意名內色以

其屬內身故**外色**外色者謂眼根乃至

身根是名外色又色聲香味觸五塵名外色以其屬外境故

二種色

出大智度論

淨色

謂清淨美妙之色能

生貪欲損壞道業故脩道之人宜當遠離

也**不淨色**謂不淨醜惡之色能生憎惡

障蔽道業故脩道之人亦宜遠離也

二種色

鏡出宗錄

顯色

謂青黃赤白光影明暗

雲煙塵霧等顯然可見是名顯色

形色謂長短方圓纒細高下正不正等形相可

見是名形色

二食

出天台四教儀集註

一正命食

謂出家之人常乞

食自資色身清淨活命是名正命食

二邪命食

命食

謂出家之人不依正命而食則有五

種一為利養故現奇特相二為利養故自

說功德三卜相吉凶為人說法四高聲現

威令人畏敬五說所得供養以動人心是

名邪命食

二種存濟

出阿毘達磨論

存即有活濟即救濟謂以

飲食存濟其生也

一有罪存濟

謂有一等

之人矯妄詭詐而求飲食如是得飲食已

歡喜受用貪愛不捨不見生死過患不知

出離之法是名有罪存濟

二無罪存濟謂

非如前人矯妄詭詐而求飲食但以正道

而乞飲食得飲食已如法受用不貪不愛

不著能見生死過患善知出離之法是名

無罪存濟

二求

出成實論

一得求

謂諸眾生欲得諸樂隨意

求取雖經險難不以為苦如海吞流心無

厭足是名得求

二命求

謂諸眾生取樂生

愛不能如實觀察樂是苦因反求長命受

此諸樂是名命求

二種數

出華嚴經疏

數量數

數量數者即一多

之數量也謂由一多之數而能安立一切

諸法也

二色心有為數

色即色身心即所

起之心皆有生滅名曰有為此色心二法

別而言之則有五陰十二入十八界等數

目不同故名色心有為數

五陰者色陰受陰想陰行陰識

陰也十二入者眼入耳入鼻入舌入身入意入色入聲入香入味入觸入法入也十八界者眼界色界眼界香界鼻識界舌界味界舌識界身界觸界身識界法界意識界之

二種滅

出顯揚聖教論

暫時滅

謂如來出世逗機

設教化導眾生大小乘人皆得解脫機緣既盡更無可化如來即便入滅然如來法身之體如如不動實未嘗滅是名暫時滅

二究竟滅

謂如來妙覺圓明一切煩惱悉

已斷滅淨盡無餘更不復生是名究竟滅

二邊

出攝大乘論釋

增益邊

謂因緣所生之法若

分別推求本無自性眾生不了執之為有是名增益邊因緣所生法若謂六根為因六塵為緣根塵相對中間一念心起即是所生法也

二損滅邊

謂因緣所生之法

若分別定無即是損減實有成就之性是名損減邊

二邊論出中**一有邊**邊即邊際謂世間一切事物必假眾緣具足和合而生皆無自性雖無自性不得言無故名有邊

一無邊謂世間一切事物既假眾緣具足和合而生本無自性若無自性則一切法皆空不得言有故名無邊

二時出大智度論**一迦羅時**梵語迦羅華言實時謂佛於律中誡諸弟子聽時食遮非時食

實有其時故名實時論云毗尼結戒是世

界中實非第一義中實是也梵語毘尼華言善治

三摩耶時梵語三摩耶華言假時亦名短

時長時論中廣約三世無相時法無實故名假時亦名短時長時者謂不同外道定

執蓋是假設長短而無其實故若短若長

悉名三摩耶三世者過云未來現在也

大明三藏法數卷第四